



INFORMACIÓN FEIRA DE ARTESANÍA DO CHOCO- 2019

1.- Destinatarias/os

Persoas físicas ou xurídicas que desenvolvan a actividade de venda de:

- Obxectos realizados de xeito artesanal.
- Obxectos de uso doméstico aos que lle impriman un selo persoal.

2.- Celebración.-

Os días 11 e 12 de maio de 2019. Os horarios serán o sábado de 10:00 a 22:00 horas, e o domingo de 10:00 a 21:00 horas. Estes horarios deben ser cumpridos de forma presencial durante os días que dura a feira. O non cumprimento dos mesmos terás en conta para próximas edicións. Queda totalmente prohibido o estacionamento dos vehículos no recinto feiral unha vez colocado o material nos postos.

3.- Localización

Beirarrúa da rúa Ribeira (lateral alameda de Redondela)

4.- Número de autorizacións e postos.-

Haberá un total de 30 postos, que serán facilitados e montados polo persoal do Concello.

5.- Solicitudes, forma e prazo.-

As persoas interesadas en participar deberán presentar o modelo normalizado de solicitude que se adxunta no Anexo I, e que deberán entregar no Rexistro Xeral do Concello de Redondela, ou a través da sede electrónica <https://redondela.sedeelectronica.gal>, no prazo que vai do 15 ao 26 de abril de 2019 (ámbolos dous inclusive), terás en conta a orde de entrada no rexistro Xeral. Máis información na web www.redondela.es do Concello e no teléfono 986- 402 842.



6.- Requisitos da solicitude.-

As solicitudes deberán estar debidamente cumprimentadas, acompañadas cos documentos que nela se indican:

- **Documentación que achega:**
- Fotocopia do DNI/NIF/NIE ou outro documento válido acreditativo da identidade.
- Declaración responsable firmada polo interesado que confirme que os produtos cos que participará na feira, responden a unha elaboración artesanal e breve exposición do proceso de fabricación dos mesmos.
- Fotografías dos produtos que se van a expoñer para a súa venda. En caso de dúbida sobre a orixe artesanal dos produtos, o concello poderá solicitar documentación gráfica do proceso de fabricación.
- Certificado- informe de titularidade de conta bancaria (IBAN) para os efectos da devolución da fianza, no seu caso.

O pagamento da taxa de (21 euros) e da fianza (15 euros) será aboado polas persoas que resulten **adxudicatarias** no prazo dunha semana dende a data na que se faga pública a resolución da adxudicación dos postos a través da publicación na páxina web (www.redondela.es) e no taboleiro de anuncios do Concello de Redondela.

O ingreso realizarase nas seguintes contas de titularidade do Concello na entidade Abanca e polos seguintes conceptos:

1. Taxa de ocupación da vía pública: 31,50 € deberá ser ingresada na conta ES52 2080 5209 4331 1000 1323.
2. Fianza: 15,00 €, deberá ser ingresada na conta ES57 2080 5209 41 31 1000 1331.



7.- Adxudicación dos postos.-

O Concello de Redondela facilitará as paradas (postos), adxudicándoos a través de autorizacións da Alcaldía que se outorgarán de acordo ao criterio de:

Rigurosa orde da data e hora de entrada da solicitude no Rexistro Xeral do Concello de Redondela, quedan excluídos da venda os produtos alimenticios así como aqueles cuxa orixe artesanal ou impronta de selo persoal non poida demostrarse.

8.- Das/os adxudicatarias/os de postos.-

O Concello de Redondela identificará mediante etiquetas cada posto co nome, e co número de orde de entrada no rexistro da persoa que figura na instancia da solicitude.

Asemade enviará a cada unha das persoas titulares unha autorización para que a poidan exhibir na parada (posto) durante a celebración da Feira.

Poden dar lugar a perda da fianza e máis a posibilidade de ser rexeitado en outras edicións as seguintes situacións:

- a) Incumprimento de horarios
- b) Expoñer mercadería para o que non se está autorizado
- c) Provocar situacións que atentan contra o bó funcionamento do mercado a mala fé.

(Documento datado e asinado electronicamente na marxe)